

A N D R E Æ M E L V I N I
S C O T T I Æ
T O P O G R A P H I A,
A D
H E N R I C V M F R E D E R I C V M
P R I N C I P E M.



I tibi adhuc puero carmen, Frederice,
senile
Panxero; si leviori manu, breviori
tabella,
Pinxero majorum sedes, Albinaque
Regna,

Quam dissecta fretis, tam Regem invicta sub unum,
Que sceptris signat Pater & tibi debita servat,
Ecquid gratum erit officium natoque, patrique,
Ecquid in antiquam virtutem, animosque viriles
Rex pater, & fama, & virtus te accendat avorum?
Hoc sibi de te almus spondet pater: huc rapit ingens
Ingenii Genique acris ceu fulminis ardor.

Nec vicina minus spes & res inclita Regno
Finitimo, quod Regem optans te civibus ambit:
Quod nostrum annuerint nobis si carmina Phebum,
Expediam his numeris & clara in luce reponam
Conspicuum illustri cultuque habituque locorum.
Ipse Caledonia virides Grampique recessus
Lustrabis mecum interea, ripasque virentes;
Mollis ubi, dum se exercet, chorus ordine longo,
Perfusa vitreis pellucunt Najades undis;
Quin circumfusi indigenas lustrare strionos
Oceanus mecum & crebris freta confita ventis;
Ne dubita, te nave procul, te limite sicco
Deducam, incolumemque brevi sine Marte reducam.

Tempus erit, nec longa dies, cum te quoque in armis
Fulgentem patriis, & carula classe secantem
Pronus adoratis late dabit oscula plantis
Oceanus, pedibusque tuis verniliter omnem
Substernet fluctumque undæ fremitumque procellæ,
Et fera monstra tuis submittet cuncta catenis. (rem,

Ergo age, rumpe moras, blandumque hunc suscipe mo-
quem sequimur suavi tingentem dicta lepore,
Qua fas verba iugo submittere barbara legum,
Atque levi passu percurrere cacumina summa,
Mox gressu relegenda tuo, firmandaque gestu,
Ni refugis tenuisque sonos humilesque Camænas:
Non te hic fuco usquam nec longa ambage tenebo.
Eja age Die Pater: Dux en Deus: I pede fausto
Inter se unanimis sceptrum molire Britannis.

Occiduo stat celsa mari, diductaque tellus
Europæ, Grajum Musis Latioque cruore
Nobilitata, viris fecunda atque ubere glebæ,
Nomine clara suo, & miranda Britannia factis;
Scotia.

Adversa tellure jacet Germania ad Ortum;
Spania ad occasum atque Hibernia, Gallia ad Austrum,
Arctica Hyperboreo pulsatur ad astra profundo;
Alteræ ceu triquetra Trinacria structa figura est;
Sic promontoriis ut procurentibus ultro
In diversa tribus consurgit; Cantio ad Ortum,
Belerio occasum versus, gelidam Orcade ad Arcton
Parte bipenni olim visa æmula, parte Leoni
In pridem duplicis duo sub fastigia Regni
Discessit: notum axem it ad Angliam, Scotia ad Arcton,
Arcton vero Regem coitura sub unum.
Et patrem & patri te mox Henrice secundum
Fortunata nimis sua si bona noverit alto,
Que demissa Polo gentes sub sidera tollunt.

Anglorum Romana olim Provincia, Regnum
Quatuor in partes distinguunt quatuor amnes,
Devam Sabrinamque inter stat Vallia triplex
Depressa in valles; montes se attollit in altos,
Sabrinam, Tamisique inter, quæ Gallica spectat (est;
Litora pars: pars tertia quæ Tamisim inter & Vmbrum
Deniq; ab Vmbro & Deva amne ad Tuedam & Solucum
Pars quarta atque rigant sic regnum hi quatuor amnes,
Ceu campos quondam Elysios, & amena vireta
Fortunatorum nemorum, his bina fluentia
Tygris & Euphrates nec non Phisique Gihonque
Amnibus arva sacris oblinere vere beatiss.

Scotum Anglo & Regnum Regno discludit ad Ortum
Tueda amnis, quæ Sol medius stat mons Zeviota,
Inde recens vallum qua Sol se condit in undas
Labitur Esca amnis, nec non amnis Solucus:
At citra hos Regni fines ab litore Eoo
Littus ad occidentum, Regionum hic lucidus ordo:
Martia Tueda amni levo adjacet, inclita campis
Frugiferis, cui præsidio stant Bervica castra
Limite in extremo, & creperi discrimine belli:
Scotorum urbs & ager, sed quam nunc detinet Anglus.
Martiam ad auroræ radios Forthæ alluit æstus,
Ad medium vicina diem præda Anglia claudit:
Hinc atque hinc affusa jacet Teviotia Tuedæ,
Nomen ab amne altus Zeviota hanc dividit Anglis,
Hinc Lidalia, & Evia, & Esca ab amnibus Arctæ
Lidalo, Eoo, Esca, Regiones nomen adeptæ; (nis.
Ultima ab Annando estque Annandia, qui hanc ferat am-
Iuxta amnem Solvaum æquor se infundit Iernum.
Forthæ æstus claudit Lothianam Solis ab ortu: